

आकाशवाणी

पैहले खास-खास खबरां:-

1. प्रधान मंत्री नरेन्द्र मोदी होरें श्रीलंका च संकटग्रस्त लोकें गी बचव ते राहत प्रदान करने दे आप्रेशन सागर बंधू दे तैहत श्रीलंका गी लगातार सहायता मुहैया करोआने दा भरोसा दोआया।
2. सरकार नै मोबाईल हैंडसैट दी प्रमाणिकता दी तस्दीक आस्तै मोबाईल च संचार साथी ऐप्प पैहले सोयां इंस्टॉल करने दे निर्देश जारी कीते।
3. काशी तमिल संगमम दा चौथा संस्करण अज्ज उत्तरप्रदेश दे वाराणसी च - शुरु होग।
4. अटल पेंशन योजना च लख थवां 34 करोड़ 8मते लोक जुडी चुके दे न। इंदे च फीसद महिला न 48।
5. ते महिला FIH हॉकी जूनियर विश्व कप च भारत नै नामिबिया गी 13 सिफर कन्नै हराया।

<><><><><><>

PM- Shri Lanka

प्रधानमंत्री नरेन्द्र मोदी होरें श्रीलंका दे राष्ट्रपति अनुर कुमार दिसानायक हुंदे कन्नै टैलिफोन पर गल्लबात कीती। इस दौरान मोदी होरें मुख्य च संकटग्रस्त लोकें गी बचाव ते राहत प्रदान करने दे आप्रेशन सागर बंधू दे तैहत श्रीलंका गी लगातार सहायता मुहैया करोआने दा भरोसा दोआया। प्रधानमंत्री होरें महासागर

परिकल्पना ते सब्बनें थवा पैहले सहायता प्रदान दी स्थिति मूजब श्रीलंका गी सारी जरूरी सहायता प्रदान करना अग्गे बी जारी रखने दा भरोसा दोआया। गल्लबात दौरान राष्ट्रपति दिसानायक होरें भारत आसेया आपदा दी स्थिति च मदद आस्तै आभार जाहिर करदे होई बचाव दलें ते राहत सामग्री दी फौरी आपूर्ति आस्तै सराहना कीती। उनें भारत दे इनें जत्नें आस्तै श्रीलंका दे लोकें आहली पेठा दा आभार जाहिर कीता।

<><><><><><>

Sanchar Saathi App

सरकार नै मोबाईल हैंडसैट प्रमाणिकता दी तस्दीक आस्तै मोबाईल च “संचार साथी” ऐप्प पैहले थवां इंस्टॉल करने दे निर्देश जारी कीते न। दूरसंचार विभाग नै मोबाईल हैंडसेट निर्माता ते आयातकें गी निर्देश दिता ऐ जे भारत च इस्तेमाल करने आस्तै त्यार या आयात कीते गेदे सारे मोबाईल हैंडसैट च “संचार साथी” मोबाईल ऐप्लिकेशन पैहले थवां इंस्टॉल होए। विभाग नै आखेया ऐ जे ऐप्लिकेशन दी कार्यक्षमता गी प्रतिबधित नैई कीता जाना लोड़चदा।

<><><><><><>

Kashi Tamil Sangamam

काशी तमिल संगमम दा चौथा संस्करण अज्ज उत्तर-प्रदेश दे वाराणसी च शुरु होग। केन्द्रीय शिक्षा मंत्री धर्मेन्द्र प्रदान ते उत्तर-प्रदेश दे मुख्मन्त्री योगी आदित्यनाथ मिलियै इस कार्यक्रम दा उदघाटन करगंन। इसदा मकसद उत्तर ते दक्खन बश्कार सरबंधें गी मजबूत करना ऐ। काशी तमिल संगमम दा उदघाटन

अज्ज संजा नमो घाट पर होग। इसदे च तमिलनाडू थवां 14 सौ डैलिगेटस हिस्सा लैगंन। इस बारी इसदा विशेसार ऐ “आओ अस तमिल सिक्खचे।”

<><><><><><>

India Chair IDEA

भारत गी पैहली बारी अंतराष्ट्रीय लोकतंत्र ते चुना सहायता संस्थान International Institute for Democracy ते Electoral Assistance IDEA दी अध्यक्षता आस्तै साद्दा दिता गया ऐ। भारत आहली पेठा दा मुख चुना आयुक्त ज्ञानेश कुमार होर स्वीडन दे स्टॉकहोम च इसदी अध्यक्षता करगंन। ज्ञानेश कुमार होरें आखेया जे पूरी दुनिया अज्ज भारत गी आजाद- निरपक्ख ते पारदर्शी चुनाए दे सफल संचालन आस्तै पंछानदी ऐ ते उसी स्वीकार करदी ऐ। उनें आखेया जे एह भारत दे सारे नागरिकें ते चुनां कारजकर्ताएं लेई मानै आहला पल ऐ। 1995 च कायम इंटरनैशनल IDEA इक अंतर सरकारी संगठन ऐ- जिसदे च मौजूदा समें च 37 सदस्य मुख न- जिन्दे पर्यवेक्षक दे तौर पर अमरीका ते जापान शामिल न। भारत इसदा संस्थापक सदस्य ऐ।

<><><><><><>

Atal Pension Yojana

खजाना मंत्री निर्मला सीतारमण होरें कल लोकसभा च इक सोआलै दे परते च आखेया जे अटल पेंशन योजना च 8 करोड़ 34 लक्ख थवां मते लोक जुड़ी चुके दे न। इंदे च 48 फीसद महिला न। मई 2015 च शुरु होई दी इस योजना दा मकसद नागरिकें खासकरी असंगठित क्षेत्र दे कम्मगारें गी सार्व-भौमिक

समाजिक सुरक्षा प्रणाली राएं सशक्त बनाना ऐ। एह योजना 18 थवां 40 बरे दे उनें नागरिकें आस्तै ऐ जिन्दा बैंक या फही डॉक घर च बचत खाता ऐ। लाभार्थी 60 बरे दी उमरी मगरा पेंशन दे लाह हासल करी सकदा ऐ। बरे 2036 थवां एह लाह थहोना शुरु होई जाने दी संभावना ऐ। खजाना मंत्री होरें सदन गी जानकारी दिती जे सरकार ते पेंशन निधि नियामक ते विकास प्राधिकरण आस्सेया कीती गेदी नेकां पैहलें इस योजना दे बारे च जागरुकता बदाने ते इसी अपनाने च तेजी आई ऐ।

<><><><><><>

#### Women Hockey Junior World Cup

महिला FIH हॉकी जूनियर विश्व कप च भारत नै कल संजा चिल्ली दे सैंटियागो च नामीबिया गी 13- सिफर कन्नै हराया। हिना बानो ते कनिका सिवाच नै 3-3 जिसलै के साक्षी राणा नै 2 गोल कीते। इस जित कन्नै भारत तालिका च शीर्ष थाहर पर पुज्जी गया ऐ। भारतीय टीम गी जर्मनी- आयरलैंड- ते नामीबिया दे कन्नै पूल-सी च रखेया गेदा ऐ। तोंआई जर्मनी नै बी कल पैहले पूल मैच च आयरलैंड गी 7-1 कन्नै हराया। भारत दा अगला मुकाबला कल जर्मनी कन्नै ते शुक्रवार गी आयरलैंड कन्नै होग।

<><><><><><>

#### TN -Deep Depression

उत्तरी तमिनाडू ते दक्खन आंध्र-प्रदेश तट कश स्थित गहरा दबाव दा क्षेत्र पिच्छले 6 घंटे सोया चन्नेई सोया लगभग 50 किलोमीटर पूर्व- कडलूर सोयां

160 किलोमीटर पूर्व ते 140 किलोमीटर दक्खन च स्थित ऐ। अगले 12 घंटे दौरान इसदे कमजोर होने दी संभावना ऐ। मौसम विभाग नै इसदे असर सोयां अगले 24 घंटे तगर तिरुवल्लुर ते चेन्नेई जिले च बक्ख-बक्ख थाहरें पर बरखा होई सकदी ऐ। मौसम करी केंई सारे जिले च स्कूलें च छुट्टियां घोषित करी दितियां गेइयां न।

<><><><><><>

IMD -Weather

मौसम विभाग नै दिल्ली हरियाण- चंडीगढ़- महाराष्ट्र- मराठवान ते पंजाब दे किश हिस्से च अज्ज सीत लैहर चलने दी संभावना जताई ऐ। हिमाचल-प्रदेश- नागालैंड- मणिपुर- मिजोरम-त्रिपुरा ते ओडिशा च कोहरा छाया रेई सकदा ऐ। पुडुचेरी ते कारईकल च तेज बरखा दा अनुमान ऐ ताई राष्ट्रीय राजधानी क्षेत्र दिल्ली च हवा दी गुणवत्ता बेहतर खराब श्रेणी च ऐ।

<><><><><><>

Russia- NATO

रुस नै मॉस्को पर पूर्व आक्रमण दी अनुमति बारे च इक वरिष्ठ नाटो अधिकारी दी टिप्पणी गी गैर-जिम्मेदाराना दस्सेया ऐ ते पच्छमी सैन्य गुट दे सदस्य मुखें आस्तै संभावित खतरे दे बारे च चेतावनी दिती ऐ। रुस दे विदेश मंत्रालय दी प्रवक्ता मारिया ज़खारोवा होरें इक ब्यानै च आखेया जे इनें टिप्पणियां गी यूक्रेन संकट दे हल आस्तै चला रदे जतनें गी कमजोर करने दे तौर पर दिक्खेया जाना लोइचदा।

<><><><><><>

## Special Trains

मध्य रेलवे डाक्टर बाबा साहेब अम्बेडकर हुंदे महा-परिनिर्वाण दिवस दे मौके पर 12 मध्य रात्री विशेष लोकल रेल गड्डियां चलाग। मध्य रेलवे शुक्रवार-शनिवार-मध्य रात्री गी परेल-कल्याण ते कुर्ला पनवेल स्टेशन बश्कार 12 बादू उपनगरीय रेल गड्डियां संचालित करोग। एह रेल गड्डियां सारे स्टेशनें पर रुकगंन। व्यापक जानकारी मध्य रेलवे दी वेबसाईट पर उपलब्ध ऐ।

<><><><><><>

## NIA Searches

राश्ट्री जांच एजेंसी (एन.आई.ए) नै दिल्ली कार धमाके मामले दी जांच दे सिलसिले च जम्मू-कश्मीर ते उत्तर-प्रदेश च केंई थाहरें पर छापेमारी कीती। एन.आई.ए नै आखेया ऐ जे जम्मू-कश्मीर दे शोपिया- कुलगाम- पुलवामा ते अवंतीपोरा जिलें च कुल 8 थाहरें ते लखनऊ च इक थाहरें तुपाई कीती गई। एजेंसी नै आखेया ऐ जे दवें इलाकें च केंई आरोपियें ते संदिग्धें दे परिसरें च कीती गेदी तुपाई दौरान बक्ख-बक्ख डिजिटल उपकरण ते होर दूइयां आपतिजनक समगरी जब्त कीती गई ऐ।

<><><><><><>

## CBI -Arrest

केन्द्रीय जांच ब्यूरो (सी.बी.आई) नै 35एं बरें पुराने सी.बी.आई मामलें च इक भगौड़े शफत अहमद शांगलू गी गिरफ्तार कीता ऐ। एह मामला साबका केन्द्री

गृहमंत्री मुफ्ती मोहम्मद सईद हुंदी धीह रुबिया सईद दे अपहरण कन्नै जुड़े दा ऐ। आरोपिये कथित तौर पर यासीन मलिक ते होरने कन्नै रलिये इस अपराध गी अंजाम देने दी साजिश रची ही। शफत अहमद पर 10 लक्ख रपे दा ईनाम रखेया गेदा हा। उसी कन्नूनी तौरा पर तय समे-सीमा दे अंदर-अंदर जम्मू दी टाडा अदालत च पेश कीता गया।

<><><><><><>